

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), Vlada Zeničko-dobojskog kantona, na prijedlog Ministarstva finansija, na 93. sjednici, održanoj 13.12.2012. godine, d o n o s i

## ZAKLJUČAK

### I.

Utvrđuje se Prijedlog Odluke o davanju saglasnosti za zaključivanje Ugovora između Federacije Bosne i Hercegovine i Zeničko-dobojskog kantona o reprogramu obaveza nastalih po osnovu III. Stand by aranžmana sa Međunarodnim monetarnim fondom.

### II.

Prijedlog Odluke iz tačke I. ovog zaključka upućuje se u dalju skupštinsku proceduru.

### III.

Zaključak stupa na snagu danom donošenja.

Broj: 02-\_\_\_\_\_/12.  
Datum, 13.12.2012. godine  
Zenica

**PREMIJER**

*mr.sci. Fikret Plevljak, dipl.ing.*

DOSTAVLJENO:

1x Ministarstvo finansija,  
1x Stručna služba Skupštine,  
1x a/a.

## PRIJEDLOG

Na osnovu člana 37. stav 1. tačka f) Ustava Zeničko-dobojskog kantona, člana 46. stav 1. Zakona o budžetima u Federaciji Bosne i Hercegovine („Službene novine Federacije BiH“, broj: 19/06, 76/08, 5/09, 32/09, 51/09, 9/10, 36/10, 45/10 i 25/12) i člana 38., 40. i 41. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09 i 44/10), Skupština Zeničko-dobojskog kantona, na svojoj \_\_\_\_\_ sjednici održanoj \_\_\_\_\_ 2012. godine, d o n o s i

### ODLUKU

#### **o davanju saglasnosti za zaključivanje Ugovora između Federacije Bosne i Hercegovine i Zeničko-dobojskog kantona o reprogramu obaveza nastalih po osnovu III. Stand by aranžmana sa Međunarodnim monetarnim fondom**

##### **Član 1.**

##### **(Saglasnost za zaključivanje Ugovora)**

Daje se saglasnost za zaključivanje Ugovora između Federacije Bosne i Hercegovine i Zeničko-dobojskog kantona o reprogramu obaveza nastalih po osnovu III. Stand by aranžmana sa Međunarodnim monetarnim fondom.

##### **Član 2.**

##### **(Potpisivanje Ugovora)**

Za potpisivanje Ugovora iz člana 1. ove odluke ovlašćuje se ministar Ministarstva finansija Zeničko-dobojskog kantona.

##### **Član 3.**

##### **(Uslovi za Reprogram obaveza)**

Reprogram obaveza iz člana 1. ove odluke odobrava se pod slijedećim uslovima:

- a) iznos glavnice: 15.000.000,00 KM (slovima: petnaestmiliona konvertibilnih maraka),
- b) rok otplate: 5 (pet) godina,
- c) grace period: 2 (dvije) godine (uračunat u rok otplate),
- d) otplata glavnice kredita vršit će se u 13 jednakih kvartalnih rata nakon isteka novog grace perioda,
- e) kamatna stopa: promjenjiva, (trenutno, u vrijeme odobravanja IV. Stand by aranžmana iznosila je 1,08% godišnje), a određuje je MMF za SDR (Specijalna Prava Vučenja).

##### **Član 4.**

##### **(Saglasnost za direktnu naplatu obaveza u korist Federacije BiH)**

U svrhu osiguranja urednog izmirenja obaveza po osnovu Ugovora iz člana 1. ove odluke, Zeničko-dobojski kanton je saglasan da se Federacija BiH, u slučaju neispunjenja preuzetih obaveza direktno naplati sa računa javnih prihoda Federacije Bosne i Hercegovine, i to iz dijela prihoda koji pripadaju Zeničko-dobojskom kantonu.

##### **Član 5.**

##### **(Realizacija Odluke i izvještavanje)**

Za realizaciju ove Odluke i izvještavanje zadužuje se Ministarstvo finansija Zeničko-dobojskog kantona.

##### **Član 6.**

##### **(Stupanje na snagu)**

Ova odluka stupa na snagu narednog dana od dana objavljivanja u “Službenim novinama Zeničko-dobojskog kantona.”.

Broj: 01- /12  
Datum, 2012. godine  
Zenica

**PREDSJEDAVALAČI**

**Sretko Radišić**

# OBRAZLOŽENJE

## I. PRAVNI OSNOV

Ustavni osnov za donošenje ovog zakona sadržan je u članu 37. stav 1. tačka f) Ustava Zeničko-dobojskog kantona, kojim je propisano da Skupština Kantona donosi zakone i druge propise za izvršavanje kantonalnih nadležnosti.

U članu 46. stav 1. Zakona o budžetima u Federaciji Bosne i Hercegovine („Službene novine Federacije BiH“, broj: 19/06, 76/08, 5/09, 32/09, 51/09, 9/10, 36/10, 45/10 i 25/12) je propisano da kanton može stvoriti obaveze po osnovu zaduživanja u skladu sa zakonom jedino ukoliko je kantonalna skupština odobrila zaduženje.

Odredbama člana 38., 40. i 41. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09 i 44/10) propisana je procedura vanjskog zaduživanja kantona.

## II. RAZLOZI ZA DONOŠENJE

Odlukom o prihvatanju supsidijarnog zaduživanja kod Federacije Bosne i Hercegovine za sredstva kredita MMF-a po III. Stand-by aranžmanu (“Službene novine Zeničko-dobojskog kantona”, broj 16/09), Skupština Zeničko-dobojskog kantona je prihvatila supsidijarno zaduživanje Zeničko-dobojskog kantona kod Federacije Bosne i Hercegovine za sredstva kredita MMF-a po III. Stand-by aranžmanu u iznosu 15.000.000,00 KM, sa rokom otplate od 5 godina i u koji je uračunat grace period od 3 godine.

Navedeni grace period je istekao i Zeničko-dobojskog kantona bi trebao da počne sa vraćanjem prvih rata kredita.

U međuvremenu, nakon pregovora sa Međunarodnim monetarnim fondom, Vlada Federacije BiH je donijela Odluku o prihvatanju zaduženja Federacije BiH po IV Stand by aranžmanu sa Međunarodnim monetarnim fondom („Službene novine Federacije BiH“, broj: 77/12).

Tačkom V. navedene Odluke je dato ovlaštenje Federalnom ministarstvu finansija „da izvrši reprogram obaveza kantona po osnovu III Stand by aranžmana sa rokom otplate do 5 godina i kamatnom stopom jednakoj kamatnoj stopi koja se obračunava za plaćanje obaveza prema MMF-u po osnovu IV Stand by aranžmana.“

Imajući u vidu navedeno, te trenutno stanje priliva javnih prihoda u Budžet Zeničko-dobojskog kantona, koje se ne odvija planiranom dinamikom, kao i projekcije za naredni period, predlaže se Skupštini Zeničko-dobojskog kantona, donošenje Odluke o davanju saglasnosti za zaključivanje Ugovora između Federacije Bosne i Hercegovine i Zeničko-dobojskog kantona o reprogramu obaveza nastalih po osnovu III Stand by aranžmana sa Međunarodnim monetarnim fondom.

**MINISTAR**

*mr. sci. Mirsad Isaković*

